



Udruženje žena RUKA Kalošević ID Broj: 4218771310001

Datum: 20.12.2023

Udruženje žena RUKA Kalošević raspisuje,

JAVNI POZIV

za prijavu korisnika za dodjelu dodjelu plastenika na projektu:

Poljoprivreda kao podrška za majke djece sa poteškoćama u razvoju.

Predmet javnog poziva

Udruženje žena RUKA Kalošević u saradnji sa Agencijom za razvoj općine Tešanj TRA doo raspisuje Javni poziv za dodjelu plastenika u okviru projekta Poljoprivreda kao podrška za majke djece sa poteškoćama u razvoju. Sredstva Javnog poziva usmjerit će se na porodice sa djecom sa posebnim potrebama/poteškoćama u razvoju.

II Korisnici sredstava

Fokus projekta su djeca s poteškoćama u razvoju i njihove majke kao jedna od najosjetljivijih socijalnih kategorija u društvu. Kroz projekat će se raditi na poboljšanju tehničkih i ljudskih kapaciteta institucija koje se bave ovim problemom, a raditi će se direktno i sa osobama i djecom sa smetnjama u razvoju i njihovim porodicama.

Prijave isključivo mogu podnijeti majke djece sa posebnim potrebama/poteškoćama u razvoju sa prebivalištem na području općine Tešanj. Jednom korisniku u okviru ovog Javnog poziva može se dodjeliti maksimalno jedan plastenik.



Udruženje žena RUKA Kalošević ID Broj: 4218771310001

III Predmet podrške

Krajnjim korisnicima projekta odabranim putem ovog Javnog poziva će biti dodjeljeni plastenici površine 30 m² (ukupno 10 plastenika). Dodjela plastenika će uključivati isporuku, montažu i prateću opremu (sistem za navodnjavanje, sadni materijal).

U okviru ovog poziva predviđen je angažman stručne osobe koja će nadgledati cjelokupan proces radne terapije kroz proizvodnju i rad u plastenicima. Svi odabrani korisnici projekta su obavezni proći obuku iz oblasti relevantnih za predmetni projekat.

IV Uslovi za dodjelu sredstava

Aplikanti kao obavezne moraju zadovoljiti sljedeće uslove:

- Da je stanovnik općine Tešanj, sa stalnim mjestom prebivališta na području općine Tešanj;
- Podnosilac/majka ili staratelj ima dijete/ ili starateljstvo nad osobom sa posebnim potrebama, ili živi u domaćinstvu sa jednom ili više osoba koje imaju status osobe sa posebnim potrebama;
- Da je vlasnik zemljišta na kojem će biti postavljen plastenik ili ima ugovor o zakupu ili ima ovjerenu izjavu vlasnika parcele da mu ustupa na korištenje parcelu na period od minimalno 10 godina (min. 30m²);
- Da je prijavljena parcela na području općine Tešanj;
- Da na datoj parceli u trenutku prijave nema zasnovanu proizvodnju ili će ista biti uklonjena prilikom postavljanja plastenika;
- Da nije bio korisnik projekat za podršku u plasteničkoj proizvodnji u prethodnom periodu;

Posebni uslovi:

Pored općih uslova **prednost pri odabiru** korisnika će imati aplikanti koji:

- Posjeduju vlastite izvore vode, bunar, vlastiti bazen itd.
- Školuju dvoje ili više djece na bilo kojem stepenu obrazovanja (osnovna, srednja škola, fakultet);



Udruženje žena RUKA Kalošević ID Broj: 4218771310001

V Način podnošenja prijave

Aplikanti prijavni obrazac mogu preuzeti u prostorijama Agencije za razvoj općine Tešanj, te na stranici TRA Agencije (www.tra.ba) te su obavezni dostaviti sljedeću dokumentaciju:

- Potvrda ili kopija liječničkog nalaza/mišljenja, rješenja ili drugog dokumenta kojim se dokazuje da je član domaćinstva podnosioca prijave ili da podnosilac prijave ima status osobe sa posebnim potrebama/poteškoćama u razvoju sa klasifikacijom oboljenja;
- Kopija lične karte podnosioca prijave;
- Ovjerena kućna lista;
- Posjedovni list za prijavljenu parcelu ili Ugovor o zakupu parcele (ovjeren od strane Notara) ili ovjerena izjava vlasnika parcele da istu ustupa na korištenje podnosiocu prijave na minimalno 10 godina;
- Potvrda sa evidencije nezaposlenih osoba izdata od strane Biroa za zapošljavanje i/ili Potvrda visini primanja (Dokaz: Platna lista i/ili bankovni izvod i/ili penzionerski ček ne stariji od tri mjeseca) za punoljetne članove domaćinstva;
- Potvrde ili kopija dokumenta kojim se dokazuje status učenika/studenta sa kućne liste;

Prijavni obrazac sa pratećom dokumentacijom se dostavlja lično na adresu:

Agencija za razvoj općine Tešanj TRA doo
Trg Alije Izetbegovića 1
74260 Tešanj
(zgrada općine Tešanj, I.sprat- kancelarija br.16)

Ili poštom u zatvorenoj koverti sa naznakom

„Prijava na JAVNI POZIV za prijavu korisnika za dodjelu dodjelu plastenika na projektu Poljoprivreda kao podrška za majke djece sa poteškoćama u razvoju.“

Krajnji rok za prijave je 05.01.2024.godine

VI Evaluacija i odabir korisnika

Evaluacija i odabir korisnika podrške će se vršiti u skladu sa kriterijima objavljenim na fb stranici UŽ Ruka i web stranici Agencije za razvoj općine Tešanj koju će vršiti imenovana Komisija od strane Udruženja žena RUKA Kalošević i TRA Agencije.



Udruženje žena RUKA Kalošević ID Broj: 4218771310001

Pored formalne provjere pristiglih prijava, imenova Komisija će izvršiti terensku posjetu u cilju provjere ispunjavanja svih općih i posebnih uslova podnosioca prijava.

Rezultati Javnog poziva će biti javno objavljeni na oglasnoj tabli i fb profilu Udruženja, i na web stranici TRA Agencije (www.tra.ba) sa ostavljenim rokom za dostavu eventualnih prigovora na iste. Nakon objave konačne liste korisnika, Udruženje žena RUKA Kalošević će sa odabranim korisnicima zaključiti Ugovor o pravima i obavezama u vezi dodjele predmetne podrške.

Dodatna pitanja u vezi predmetnog Javnog poziva se mogu postaviti putem maila: tra@tra.ba, ili lično u prostorijama Agencije za razvoj općine Tešanj. Kontakt osoba: **Dženita Hopić 032/650-390**

Odgovorna osoba:

Suada Mujkić



Udruženje žena RUKA Kalošević ID Broj: 4218771310001